

欽定大清會典事例

欽定大清會典事例卷八百九十

工部

鼓鑄
鼓鑄局錢

鼓鑄局錢。順治元年置工部寶源局鼓鑄京
錢。○康熙二十三年議准。寶源局每月分二卯
鼓鑄。每卯鑄銅五萬斤。每鑄錢萬串。支給匠工
物料錢二千二百串有奇。○四十三年議准。每
卯鑄銅六萬斤。○五十四年議准。寶源局每年
鑄錢定限三十六卯。每卯需銅三萬六千斤。鉛
二萬四千斤。○雍正元年議准。寶源局加鑄錢

四卯。四年奏准。寶源局照寶泉局於舊例四十卯外加鑄一卯。六年奏准。解部潮銅。覈定成色減價報銷。其錢按照估定成色分別搭配。如九成銅。以銅六鉛四配鑄。每百斤加銅二十斤。九五銅。以銅五五鉛四五配鑄。每百斤加銅十斤。又奏准。寶源局照戶部分局之例添設一局。於舊局二十五鑪之內移設新局十三座。另設勤鑪六座。乾隆元年奏准。鑄錢之法。以八成至十成配為五等。如銅係十成者。以銅鉛各半。九五者。以銅五五鉛四五九成者。以銅六

鉛四。八五者以銅六五鉛三五。八成者以銅七
鉛三。搭配鼓鑄。○四年奏准。寶源局鑄錢。每年
給工料錢四萬串有奇。嗣後每串折銀一兩。於
正四七十等月。由戶部按季於扣存兵餉銀內
頒發。監督按數按名分給。○五年議准。改鑄青
錢。其銅鉛點銅錫。照數配合。則銅錫正當較準。
未便仍照黃錢舊例。嗣後各省辦解色銅。總以
十成裏算。除淨銅按銅鉛百斤內用紅銅五十
斤。白鉛四十一斤八兩。黑鉛六斤八兩。點銅錫
二斤配鑄外。九五銅。向係銅每百斤加銅十斤。

今加五斤九成銅。向加二十斤。今加十斤八五
八成。皆照此遞行覈給。其加給銅。即於本銅內
動給。亦係色銅。自宜詳細覈算。每五斤加銅各
四兩。去鉛四兩。則分配均勻。與改鑄數目畫一。
較之從前配數。尚有節省。嗣後解部銅九成。以
上者。照定例寬裕折算。應作九五。即以所加之
耗銅八斤。加給五斤。合作十成。其加給之銅。每
五斤仍加銅四兩。去鉛四兩。給發鼓鑄。每百斤
節省二斤十二兩。寶源局現存庫銅二十四萬
九千三百餘斤。內除十成銅外。其九五九成八

成可節省銅七千餘斤。歸入正項增鑄。再雲南解京銅五百七十餘萬斤內。交寶源局一百九十餘萬斤。以每百斤節省二斤十二兩。叢算約節省銅五萬餘斤。年終將節省確數。入於新收項下。搭配鼓鑄。使青錢不致高下攬雜。○六年奏准。將雲南省應解寶源局加運銅五十六萬八千餘斤。加鑄二十卯。得錢十有一萬三千餘串。○又奏准。寶源局工價。仍令鑪頭領錢。照市價易銀。給發匠人。○十年議准。寶泉局乾隆十年額鑄錢六十九萬餘串。係留放兵餉之用。寶

源局額鑄錢三十四萬五千餘串。除各工應用
錢六萬串。餘錢二十八萬五千四百餘串。為數
無多。將寶源寶泉二局。於本年額鑄外。帶鑄五
卵。加鑄二十二卵。共可得錢四十五萬八千六
百三十串。有奇。流通民間。以平錢價。○十六年
奏准。寶源局歲收雲南銅二百有五萬餘斤。除
每年額鑄六十一卵。用銅一百六十九萬餘斤。
存銅三十五萬餘斤。黑白鉛錫亦有餘牘。現在
庫存銅錫鉛等項。本年額鑄之外。約共存二百
七十餘萬斤。照戶部例。每年加鑄十卵。需用銅

二十七萬七千餘斤。白鉛十有九萬二千餘斤。
黑鉛三萬三千餘斤。錫一萬餘斤。每年可得淨
錢五萬六千六百餘串。以利民用。○二十一年
奏准。寶源局歷年庫存餘銅二百九十餘萬斤。
添鑄十卵。以廣流通。○二十六年奏准。寶源局
自添卵後。所有餘銅將次用盡。添鑄十卵。暫行
停止。俟將來庫有積餘銅鉛。再行加鑄。○三十
八年奏准。寶源局各鑪匠役工價。例給制錢易
銀開發。不敷之項。均係鑪頭等設法整補。誠恐
日久無措。於辦公殊有妨礙。所有匠役工價。照

現在開發銀數改給銀四萬八千七百六十二兩監督按季出具印領赴戶部支取按月交鑄頭分給至添設新局應繳入官房租奏准加鑄一卵即請停止仍將堂司各官每年捐出飯銀存局抵用於戶部應領工價銀內扣除○五十九年奏准寶泉寶源二局各暫減二十卵○又定寶源局舊鑄錢七十卵本年六月內奏減二十卵留五十卵今照戶部議定再減二十卵仍留三十卵每年共鑄錢十八萬七千四百餘串以免積壓其鼓鑄之法仍照舊例以銅六鉛四

配鑄。○嘉慶元年奏准。戶工二局。自減卯之後。
匠役人等所得工料。未及從前一半。生計未免
拮据。嗣後每局每年各加鑄十卯。以符從前各
四十卯原額之數。○四年

諭。前因民間錢價日賤。飭令京局及外省俱各減卯停
鑄。嗣後各該省所減之卯。多已照舊鼓鑄。惟戶工兩
局尚未復舊。現在京城錢價仍不能加增。可見調劑
錢法。不係乎減卯與否。且恐京局工匠人等。曠閒日
久。生計維艱。著戶部將從前停鑄之三十五卯。先復
十七卯。工部停鑄之三十卯。先復十五卯。俟察看錢

價貴賤情形再行酌量辦理。又

諭前因民間錢價日賤飭令京師各局減卯停鑄。本年春閒。因京城錢價較昂。曾降諭旨。令戶工二部將所停之卯。量為增復。自增卯以後。錢價仍未甚平。所有戶工二局俱著全復舊卯鼓鑄。○又奏准。戶工二局存儲黑鉛。現有一百十萬餘斤之多。自改用二色以來。堆積日久。置之無用。試將四成白鉛內量為攪入黑鉛。共四成有餘。合淨銅五成有餘三色鑄就錢文。甚為完好。較之現行二色配鑄每制錢一千文。計省工本銀六分三釐有奇。現

當復卵鼓鑄之時。省出工本。既可多鑄錢文。而存儲黑鉛。仍歸實用。於錢法實為有裨。○五年奏准。京局自減卵以後。鑄錢較少。銅鉛即有餘賸。雖於上年仍復舊卵鼓鑄。但湏銅黔鉛。每歲源源而至。與其積壓過多。堆存庫外。莫若加添卵額。鼓鑄錢文。搭放俸祿。所有寶泉寶源二局。飭各添鑄十六卵。覈算寶源局歲可鑄錢九萬餘串。除工料銀錢之外。計得錢八萬餘串。搭放俸祿可敷一成。○又議定。寶源局鼓鑄搭放俸祿。於舊局增設俸鑪三座。新局增設俸鑪四座。

○又奏准。戶工二局所存黑鉛。因添卵鼓鑄。恐不能接濟。將現在三色配鑄用銅五十二斤。白鉛四十一斤半。黑鉛六斤半內減用。減用黑鉛三斤四兩。即將所減鉛斤。加添滇銅二斤。白鉛一斤四兩。以之配鑄。九年奉

旨。國家設局鑄錢。原以利用便民。而錢價之昂貴。總不外局中短鑄及姦商私毀二端。京城寶泉寶源二局。按卵兒發銅鉛。鼓鑄錢數。自有定額。該錢法侍郎。自應督飭各該監督釐別弊竅。實心經理。而姦商私毀之弊。即京師亦所不免。著步軍統領衙門嚴密訪拏。

以清弊源。至外省設立錢局。按卯鼓鑄。何以錢價騰貴。更甚於京師。自由各該督撫及該地方官不實力督辦。或係局中短鑄。或有姦徒私毀。以致錢文不能充裕。價值日昂。嗣後各直省督撫。當轉飭各地方官一體嚴察。如查有短鑄及私毀情弊。立即查拏懲辦。毋得視為具文。以重錢法而利民用。儻各該督撫等不實心籌辦。經朕訪聞。或別經發覺。惟該督撫是問。

○十年

諭。近年京師錢價昂貴。節經降旨。查禁私販外出。並令戶工兩局。按卯鼓鑄。毫無短缺。而價值仍未稍為平

減風聞各省錢局不能如數鼓鑄該督撫等並不實力查辦以致日形短絀前於嘉慶五年間曾經降旨諭令停鑄省分概行復卯其中有數省奏明不能遽復者而每歲報部照舊鼓鑄者居多無如承辦之員冀圖偷減工本並不遵照定例妥為經理名為開鑪而其實仍未復卯各省商賈市易流通專賴京局錢文以資轉運無怪乎局錢按卯鼓鑄而錢數不見其增錢價不見其減也夫國寶所貴流通若以天下之大盡仰給於戶工兩局是各省錢局竟成虛設民間購買物件以銀易錢虧失增倍於閭閻生計大有關係

繫不可不通飭查辦。著各該督撫等將各省錢局應鑄錢文務令按卯如數鼓鑄。毋許有偷減虛報情弊。僅經此次曉諭之後尚不激發天良。覈實辦理一經發覺或被人指參必將該督撫藩司及管局之員從嚴懲治。其有將短鑄缺額等事據實呈告者訊明所控確鑿定加獎賞以期蠹弊肅清圍府充裕各該督撫等不可視為具文。自干重庆也。○十四年

諭錢法為國用攸關原當堅厚明潔期於通行經久乃近來京局鼓鑄錢文其輪郭肉好即有模糊肥薄之弊無怪外省往往偷減工本率為縹薄錢文不堪使

用甚或姦民嗜利私鑄小錢擾和行使種種弊端難以枚舉自宜申明舊例加意釐剔著戶工二部及各省督撫力除諸弊鑄局銅鈔照例配搭毋任偷減務期大小輕重適均其市間小錢設法收銷庶國寶流通私鑄自息○十六年

諭私鎔制錢例禁暴嚴乃姦民冒法趨利巧將官鑄錢文鎔化改制器皿總由地方官查禁不力所致著通飭直省各督撫嚴飭所屬留心察訪如有招匠設局私收制錢潛行鎔化者一經訪獲即將為首姦民緝拏到案從重治罪俾匪徒知所儆畏庶積弊漸除官

錢日加充溢。但不可令蠹役藉名搜查。貽累商賈。致滋流弊。○道光十一年奏准。現在銅斤未能充裕。將寶源局勤鑄。自十二年四月始。停鑄一年。計節省銅三十八萬九千斤。少鑄錢七萬三千餘串。○十三年奏准。節慎庫存錢足數。搭放兵餉。其應發各項。即在本年冬季正鑄內。加鑄五卯。合之庫存。亦足支用。自本年四月為始。停鑄勤鑄。一年。○十九年。

諭嗣後寶泉寶源二局。每月鑄錢。著該堂官徹底查驗。務令分兩悉遵定例。如有輕重未能一律之處。即將

該監督嚴行參撤。咸豐元年

諭鼓鑄制錢向有定式。豈容偷工減料。致多攬雜。此次發下小錢。是否局鑪私鑄。現既無憑確查。姑免深究。嗣後該侍郎等驗錢時。挑出不合式樣小錢。概令回鑪重鑄。毋許仍前搭放。以除積弊。並著嚴飭該監督等。隨時稽察。有犯必懲。如有扶同諱飾。經該侍郎等查出。除將舞弊之鑪頭工匠交刑部治罪外。並將該監督等嚴叅懲處。其每月解交部庫錢文。著陝西道御史認真抽查。如有攬雜小錢。將該侍郎等一併參處。二年奏准。寶源局自本年四月起至次年五月。

止。每月減鑄二大卵。○三年。

論。前因巡防王大臣奏請推廣鑄造大錢。當交戶部議奏。茲據該部查照王大臣等所議。當千大錢以重二兩為率。以次酌量遞減。期於輕重相權。便民利用。著即照部議。所有當千當五百大錢。均用淨銅鑄造。務使磨礪精工。色澤光潤。當百當五十當十當五大錢。亦須配鑄精良。一律完整。與制錢相輔而行。俾民聞咸知寶貴。便於利用。儻製造稍有粗率偷減。著錢法侍郎。即將鑪匠人等嚴行究辦。該管監督大使各官。一併嚴參。並著該部通行各直省督撫。均著照此次。

所定分兩。一體鑄造。以歸畫一。其民間應納稅課錢文等項。均照部議准以大錢交納。其交銀者。並准其按照制錢二串折銀一兩之數抵交。總期上下相信。出入均平。如有私鑄及行商居奇阻撓者。均按例治以應得之罪。○又

諭。現值推廣鼓鑄流通鈔票之際。必須錢法暢行。以濟銀款之不足。其應如何寬備銅斤添錢濟用。仍由戶部會同工部錢法堂妥速籌辦。欽此。遵

旨議奏。寶源局月鑄制錢五卯。當十大錢一卯。自十月起。留鑄一錢重制錢二卯。用銅四萬九千九百

餘斤。按銅六鉛四配鑄得錢一萬二千四百餘串。再以四卵銅斤分作六卵。鑄六錢重當十大錢三卵半。得錢二千一百八十餘串。抵制錢二萬一千八百餘串。鑄一兩八錢重當五十大錢二卵半。得錢三百十二串。抵制錢一萬五千四百餘串。均按銅七鉛三配鑄。兩項止用銅八萬七千四百餘斤。較常例月省銅五千四百餘斤。多得錢一萬二千四百餘串。應用工銀料錢。照戶部奏定覈減成案。分別發給所鑄錢文。除每月解交節慎庫三萬串搭放兵餉外。其多得一

萬二千餘串。一併解庫以備戶部提用。○又奏准。工局每年舊例鑄錢七十卵。前因銅不敷用。奏明每月減去二卵。現又酌議改鑄制錢五卵。計所省銅約二萬五千斤。鑄大錢一卵。按銅七鉛三配。造得大錢六百二十四串九百二十七文。抵制錢六千二百四十九串二百七十文。又省銅一萬二千五百斤。較六卵常例。月共省銅三萬七千五百斤。而所得之錢仍與常例卵數相抵。此外尚省白鉛二萬八千八百餘斤。黑鉛二千二百餘斤。即飭按卵鼓鑄。該匠役工料。仍

按六卯常例。分季赴領。○又奏准。戶部前鑄當
十大錢事屬創始。每文係照鑄制錢十文。未免
過優。現數減二成。其料錢照例在各鑪卯錢內
給發。○四年奏准。將當十大錢改鑄重四錢四
分。當五十大錢改鑄重一兩二錢。添鑄當百大
錢。重一兩四錢。俱以銅七鉛三配鑄。當五百大
錢。重一兩六錢。當千大錢重二兩。俱用淨銅鼓
鑄。其當百當五百當千者。俱著為咸豐元寶。以
崇體制。○又奏准。自正月為始。鑪頭匠役工食
銀兩。以七成現銀支放。其餘三成。每兩折給各

項京錢四千文。以期節省。○又議准寶源局自
三月起月鑄當千大錢一卵半。計九串三百七
十三文五釐。當五百大錢一卵半。計十八串七
百四十七文。當百大錢二卵。計一百二十四串
九百八十四文。當五十大錢二卵半。計三百十
二串四百六十二文五釐。當十大錢三卵半。計
二千一百八十七串二百四十四文五釐。當五
大錢四卵。計四千九百九十九串四百十六文。

○又

諭惠親王恭親王奕訢定郡王載銓奏試鑄鐵錢有效。

請旨辦理一摺。現在戶工二局所鑄大錢業已暢行。更得鐵錢相輔。國用民生當可益臻饒裕。著惠親王等悉心詳定章程添鑄鼓鑄總期與現用銅錢並行不滯。所請設廠安鑪各款均著照所議辦理。○又奏准寶源局照戶部變通卯額章程將當十錢暫行停鑄。當千當五百一併裁撤歸入當百當五十兩項共鑄十二卯留鑄當五二卯共用銅九萬四千三百餘斤加鑄一錢二分重鉛制錢二卯共用黑白鉛十萬二千八百餘斤統計可抵制錢九萬九千九百八十七串八百八十文較

每月多用工食銀一百五十兩四錢六分七釐。
料錢八十八串九百九十八文。又多得錢六千
二百四十九串二百七十文。節省銅二萬三千
二百八十餘斤。○又奏准於庫存餘銅內動撥
五萬斤發交三十一鑪配鉛分鑄各項大錢。除
坐扣鉛本工料外。得錢二萬七百餘串。作為買
銅之用。所買銅斤自三月起以七成搭配庫銅
三成鼓鑄餉錢。另以三成鑄錢陸續買銅。俟滇
運到日即行停買。○又

諭前因大錢行使壅滯。諭令慶惠文瑞仿照戶工兩局

章程。分成配鑄制錢。以便民用。茲據奏稱。制錢一項。
因銅斤短絀。僅能專用鉛鑄等語。現在戶工兩局。於
按成鑄造大錢以外。加鑄鉛質制錢。與各項大錢相
輔而行。已足以資周轉。慶惠等因銅斤不敷。未能添
鑄制錢。自係實情。其鉛錢一項。既有戶工兩局鼓鑄。
毋庸另行鑄造。所有慶惠等現設錢局。著即停止。

又奏准。寶源局自十月起。將各種大錢。以十成
匀分配鑄。○又議准。巡防糧臺。開設百鑪。所需
母錢。按四季更換。每季由寶源局代造制母錢
九千九百箇。每千箇給工價京錢六千文。當十

母錢二千八百八十七箇。每千箇給工價京錢
八千文。用銅作正開銷。○又

諭。大錢製造之初。民間極知寶貴。嗣因私鑄充斥。真偽
難分。以致商民猜疑。錢法不免壅滯。茲已降旨停鑄。
當千當五百大錢。但鑄當百以下各項大錢。與制錢
相輔而行。輕重相權。均勻搭配。便民利用。必可暢行。
惟官局製造。若不精良。仍恐私鑄得以淆混。著該管
錢法各堂官。嚴飭監督司員等。督率工匠所鑄當百
以下大錢。務須加工磨鍼。色澤光潤。俾私鑄不能相
混。而市儈姦商。亦無所藉口。儻查有偷減工料。及撓

雜破碎者。即行嚴叅懲處。○又奏准。自本年八月起。
寶源局每月鑄當百大錢。一大卵。用銅四千八
十二斤有奇。白鉛一千七百二十二斤有奇。黑
鉛一百九十五斤有奇。得錢六十二串四百九
十二文。抵制錢六千二百四十九串二百文。當
五十大錢二大卵。用銅一萬三千九百九十九
斤有奇。白鉛五千九百六斤有奇。黑鉛六百六
十八斤有奇。得錢二百四十九串九百七十文。
抵制錢一萬二千四百九十八串五百文。鑄當
十大錢四大卵半。用銅五萬七千七百三十六

斤有奇。白鉛二萬四千三百六十二斤有奇。黑
鉛二千七百五十七斤有奇。得錢二千八百十
二串一百七十一文五釐。抵制錢二萬八千一
百二十一串七百十五文。鑄當五大錢二大卵
半。用銅二萬七千四百九十三斤有奇。白鉛一
萬八千一百十七斤有奇。黑鉛一千五百三十
二斤有奇。得錢三千一百二十四串六百三十
五文。抵制錢一萬五千六百二十三串一百七
十五文。鑄鉛制錢二大卵。用白鉛八萬二千二
百八十五斤有奇。黑鉛二萬五百七十一斤有

奇。得錢一萬二千四百九十八串五百四十文。
工銀五千四百六十一兩三錢五分二釐。料錢
四千二百二十六串四十文。按卯發給。○又奏
准寶源局前因大錢壅滯。將十二卯內當百當
五十錢合鑄三卯。當十當五及鉛制錢合鑄九
卯。現奏准自八月始。應解各項錢文。統給二成
匀配。合穿一串。局中當十以下。均符二成。當百
當五十。因少鑄成數不敷。八九兩月。係由戶局
撥解合穿發放。兩局錢文攏和。不免參差。請將
當百當五十與當十以下三項。統按三卯四釐

鼓鑄以便配搭○五年奏准當百當五十大錢
日漸壅滯自本年三月始除鉛制錢當五當十
錢各鑄三卵外其當五十當百各鑄半卵○又
奏准巡防糧臺局開設百鑑將鑿成制祖錢三
枚當十祖錢四枚分送戶工二局每年按兩季
代造制母錢三萬九千六百箇當十母錢一萬
一千五百五十二箇春季於三月內秋季於九
月內送局○又議准現在捐銅局存錢足敷搭
放自六月為始將戶工二局當百當五十大錢
暫行停鑄○七年

諭彭蘊章等奏。遵議戶工兩局試鑄鐵制錢章程一摺。
工部寶源局應鑄鐵制錢著准其即在鐵錢局西北
兩廠內添鑪鼓鑄。分交工局管理一切稽查督率事
宜。即由工部錢法堂侍郎辦理。母庸歸惠親王等兼
轄以專責成所有鐵錢局現在襄辦各員亦著母庸
會辦欽此遵

旨議奏。履勘鐵錢局兩廠所有建造官廳鑪座製備器
具添設官員書役鑪頭工匠糜費多而取益少。
莫若即在銅錢局辦理現寶源局額設鑪三十
一座每鑪每月鑄辦銅錢之外約得十日餘工。

即於此十日內添鑄鐵制錢。按鑪均分認辨試
辨兩箇月。銅鐵兩項。按卯交清。不許少有移轉。
○又奏准。寶源局銅斤支絀。經監督向各鑪勸
諭。自咸豐六年七月至七年八月止。續交鉛錢。
又逾五十餘萬串。各鑪鉛塊已接羅淨盡。現值
添辦鐵制錢。其捐鑄鉛錢。即行停止。○又奏准。
當五大錢。日形壅滯。暫行停鑄。統鑄當十錢十
六卯。○又奏准。寶源局自本年九月為始。每鑪
上半月鑄銅錢。下半月鑄鐵制錢。每月添鑄鐵
制錢五大卯。至辦理章程。除鐵斤火耗炭斤價

值照鐵錢局辦理外。其收發款目稽查偷漏等項。均照本局銅制錢舊章辦理。○又奏准。本局試辦錢制錢。每鑪以二卯二釐為率。各鑪得錢除殘破外。自一卯六釐至二卯不等。三十一鑪共得錢二萬九千餘串。除奏明搭放二成一萬餘串。下餘一萬九千餘串。現已提充公項。其工料鐵炭。各鑪墊辦錢文。由捐銅局撥給歸還。

八年

諭戶部奏。捐銅局舊存當十銅錢。其破爛不堪行使者。業經挑揀回鑪。其輪郭完好。字畫清楚者。仍存留備

用著依議行。並著知照工部錢法掌。一律鑄邊以便
民用。欽此。遵。

旨議奏。戶部始鑄當十大錢。每鑪添設鑄邊匠三名。每
一文工料。按鑄制錢十文之數覈給。嗣減為按
七文之數覈給。後又按七文之數酌加一文。工
局始鑄。即係銓邊。工料均按制錢七文給發。若
改鑄邊。照戶局酌加一文辦理。每月鑄當十錢
十八卯。應加鑄邊匠七成實銀三百四十一兩。
有奇三成折錢二百九十二串五百七十二文。
現當經費支絀。未可議加。且大錢之流通。總在

字畫精工。輪郭完好。不關鑄邊與否。得旨著仍舊銅邊。毋庸更改。○又奏准。工局鼓鑄鐵制錢。

自本年補鑄四月分起。每月應領工料錢二萬八千七百五十串。內七成由戶部支領官票三成。仿照鐵錢局章程給發鐵制錢。即由鐵錢局提取。以昭畫一。並照鐵錢局例。歲終每鑪覈計。豫交二十五天為足額之外。能豫交者亦許儘交儘收。至鑪頭多以銅錢鑪頭兼充。即照鐵錢局於年終考較。以有額外豫交者為一等。足額者為二等。不足與無豫交者為三四等。酌示勸

懲所交卯錢不堪使用者亦仿鐵錢局例立即
捶碎。九年奏准。工局自咸豐六年以來銅斤
缺乏。欠鑄卯錢已逾一年。本局現存戶部未提
當十錢。尚有六十萬餘串。將所欠八年分卯錢。
免其補鑄。計省採買價本錢一百六十餘萬串。
工銀四萬九百餘兩。於國帑不無裨益。又奏
准。工局月鑄鐵制錢五萬餘串。現經戶部將該
局月放鐵錢局三成工料錢四萬二千串。改票
放給。此外別無放款。自本年六月起。毋庸鼓鑄
鐵制錢。同治五年議定。寶源局新老兩局共

設三十鑪。按現在配鑄章程。每年用銅一百四十七萬餘斤。由戶部收銅局三口通商大臣速為採買。以資鼓鑄。所鑄當十大錢分兩。初出鑪之毛邊錢。以三錢五分為率。細錢一枚。以三錢二分為限。該局每月每鑪發銅四千三百七十五斤。鑄當十京錢四千串。其鼓鑄舊章。以銅七鉛三配搭。近來收買廢銅。原帶有鉛。不能復行配搭。嗣後無論何處採買銅斤。均以原定成數為發廠斤數。銅外之鉛。毋庸配搭。銅內之鉛。亦不必割分。惟不准開除折耗。俟將來滇銅照舊

起解。仍改歸舊制。並嗣後鼓鑄卯錢。責成大使監視。有不如式者。登時押令回鑄。卯錢交局。先由監督查驗。僅有輕小錢文。當堂捶碎。即將大使稟參錢法侍郎臨驗。如有輕小者。即將監督一同參辦。○六年奏准。寶源局前因歷年所欠餘款。卯錢積有成數。今以各作自行積存之白鈐。變價易銅。賠補卯虧。已陸續買補銅八萬一千餘斤。合鑄當十大錢八萬五千餘串。均於限內交庫。○光緒二年奏准。戶工兩局制錢。向用滇銅配鈷。鼓鑄自咸豐三年改鑄當十大錢。每

文計重六錢四年又改四錢四分配鑄均用銅
七鉛三迨同治六年因滇銅停運專賴收買廢
銅及各省採辦商銅復改重三錢五分除去磨
鏹折耗三分以三錢二分為限並以此項銅斤
原帶有銳母庸搭配現值滇銅運局成色較高
鑄錢分兩亦遞減於前應改為銅六鉛四配鑄
至發鑄銅鉛每百斤例銷鑪耗九斤嗣後每文
仍照三錢五分重數發其除去磨鏹三分即作
為例給折耗亦母庸開銷鑪耗○九年奏准寶
源局自咸豐三年始鑄大錢鑪匠工料每一文

按制錢十文。數給後。以物價稍平。減去三成。近年物價日昂。仍照原定章程支領。○又奏准。自同治六年。改鑄大錢為三錢二分。究以錢質太重。不免私銷。今定為每文重庫平二錢六分。現在滇銅成色未能純淨。鑄耗磨耗較多。仍照前章。每文以二錢九分發鑄。除去磨鏟折耗三分。淨重二錢六分。如以十成銅斤發鑄。仍照例定鑪耗數發。○又奏准。當十大錢。自光緒二年。改為銅六鉛四。每銅六十斤。配用白鉛三十六斤。十二兩。黑鉛三斤四兩。惟黑鉛性黏。白鉛性脆。

白鉛太多。加以銅質鋼勁。最易破碎。自本年二月為始。每百斤用銅五十五斤。白鉛四十斤。黑鉛五斤。十年奏准。現黑鉛配數較多。錢色間有黝黑。每百斤仍用銅五十五斤。改配白鉛四十一斤八兩。黑鉛三斤八兩。十二年欽奉。

慈禧端佑康頤昭豫莊誠皇太后懿旨。現在錢法亟應整頓。宜如何籌辦銅斤。加鑪鼓鑄。以期漸復舊制之處。著軍機大臣會同戶部工部堂官妥議具奏。欽此。

遵

旨議准。滇銅未能足額。暫購日本洋銅三四百萬斤。分

運天津上海機器局添購機器試鑄制錢存儲備用。應配鉛斤亦行貴州等省採辦。以上需款六七十萬兩。而製存制錢較之從前戶局一年鼓鑄七十二卯。共錢八十九萬九千八百餘串之數尚屬不敷。今以三年為期。京局仍鑄當十大錢。交付放款。三年後由戶部奏請規復。一面將天津上海製成制錢分運京局。豫籌搭放。其當十 大錢或出示搭放。或與制錢相輔而行。每文折抵制錢二文。暨二文有奇。均按市價叢算。俾知規復制錢大錢亦不至廢棄。市廩不至擾。

據然後將大錢按照斤兩設法收買。崇文門兩翼等處交款。部庫捐項及各項欠款俱准搭交。所有收回大錢一有成數即交寶源局改鑄制錢並會同順天府五城傳集當行錢行各商。諭以利害令出具不敢異議甘結庶不至暗中掣肘。○又奏准制錢初復匠役手藝生疏銅鉛必多折耗。按照戶局新章除例耗外每百斤暫行加耗十斤俟半年後察看究竟折耗若干再為酌量収減。○又奏准寶源局鑄錢工料向由印錢內扣留現在鼓鑄制錢市廩尚未行使。按照

戶局暫給銀兩。○又奏准寶源局向設老鑪二
十五座。每年額鑄制錢五十七大卯。另設勤鑪
六座。加鑄十三大卯。共鑄制錢四十三萬七千
四百四十餘串。同治八年。以滇銅停運。奏停勤
鑪。現在滇銅開運。並購洋銅接濟。自本年三月
為始。勤鑪仍舊開鑄。○十三年奏定。寶源局鑄
鑄制錢。仿照戶局銅六鉛四。搭用黃銅一成配
鑄。

欽定大清會典事例卷八百九十一

工部

鼓鑄 管理鼓鑄 出錢

管理鼓鑄。順治初年。設滿漢監督官三人。專司出納。○十七年題准。差滿漢司官各一人。筆帖式一人。一年更代。○康熙十五年題准。不論滿漢。止差司官一人。筆帖式一人。○二十七年覆准。仍差滿漢司官各一人。筆帖式一人。一年更代。○四十四年題准。寶源局監督由部保舉滿漢才能司官引。

見補用。三年更代。○五十三年覆准。嗣後錢法率以正月為始。年終為止。次年五月奏銷。不計閏。滿漢監督於奏銷後更換。銅不交完。責在商人。卯不足數。責在監督。或商人限內交銅甚少。逾限始解足者。卯數不足。咎不在監督。統於奏銷疏內聲明完欠。照各省州縣徵收正項錢糧未完分數之例。交吏部議處。其監督有升遷事故離任者。接任官以六月為準。不足六月。再接一年。多於六月者。即於奏銷後報滿更代。○雍正元年題准。滿漢監督仍一年更代。○七年奏准。寶

源局僅有筆帖式一人。局吏數人。管理局事。並未設有大使。嗣後照寶泉局例。設立大使二人。於本部筆帖式內揀選補授。○乾隆十一年奏准。寶源局大使照刑部司獄定例。年滿回部。在額外筆帖式上行走。遇有本部及各該旗筆帖式員缺。照例移咨吏部陸續坐補。嗣後補用大使之筆帖式員缺。亦毋庸別選。俟五年期滿後。仍回原任候升。○十二年。鑄工部督理京省錢法關防。給寶源局行用。○又奏准。寶泉寶源二局監督。嗣後每年新舊滿漢。互相更代。○二十

九年奏准。戶工二部錢局大使五年期滿後歸於雙月以主事升用。未免太優。而俸深筆帖式亦覺壅滯。嗣後兩局大使照三庫大使之例。一體停其保題升用。○三十二年議准。戶工二部錢局滿漢監督照坐糧廳之例。於六部司員內各保送一員。引

見補放二年更代。○四十五年

論。向來各部院司員保送三庫稅差錢局坐糧廳等項。每有將曾經得差人員。未隔數年復行保送者。不知在京滿漢司員人數本多。此等得項較優之差。自應

令其均霑普及。若出差未久。復予保送。則從未得差者。未免多有向隅。嗣後保送此等差使之司員。其已經派過者。著於十年後方准再送。如堂官等違例蒙混保送。經朕查出及被人參奏者。即照徇庇例議處。著為令。○四十七年奏准。嗣後錢局監督不准兼原衙門行走。令其常川在局專辦局務。以昭慎重。○又奏准。寶源局大使二員。係本部筆帖式內保送補放。五年期滿。較各衙門筆帖式保送之差。三年更換者。未免過侵。嗣後照三庫之例。改作三年期滿。○嘉慶四年議准。嗣後各部院保

送倉差三庫錢局生糧廳稅差。將宗人府司員及各部院宗室司員一體保送。○八年奏准嗣後遇有應送關稅錢局倉差時。將步軍統領衙門司員一體保送。○二十一年

諭。御史蕭鎮奏。工部寶源局匠役停鑄誤鑄。挾制官長。請嚴行懲創。並錢法侍郎因循不奏。請旨查辦一摺。工部寶源局匠役。欲分調劑鑄頭料錢。互相爭鬧。係五月之初旬之事。該監督不能彈壓。許以回堂分給。該堂官派員前往曉諭。該匠役復敢恃衆逞刁。守閑廠門。先後將派員放出。該錢法侍郎。彼時即應據實奏。

聞。查李懋辨。乃佛柱等於五月十六日蒙混奏請將
料錢分給匠役。以圖將就了事。該匠役等益肆無忌
憚。復逼令鑪頭代還借項。至六月初六日。戶局匠役
亦聞風效尤。將鑪頭圍繞逼脅勒分錢文。經成格等
奏請嚴拏交部審辦。此後朕屢次召見佛柱。吳烜。分
別詢問工局近日情形。該侍郎等均以安靜無事回
奏。於該匠役等滋事。始終無一字奏及。直至於今。工
局仍有停鑄未開之鑪。經御史蕭鎮訪聞奏。是該
侍郎等既經蒙混於前。又復欺飾於後。佛柱。吳烜。始
則畏葸無能。繼則將就蒙蔽。俱著交都察院嚴加議

處一二日內即行具奏。其監督良禧馬瑞辰周維垣並派往曉諭之司員柏齡額周廷授俱著軍機大臣傳訊具奏。至戶局匠役止於圍逼鑪頭在大使廳前宣閑工局匠役公然守閑廠門將司官扣留尤屬目無法紀著英和帶同番役即刻前往寶源局立將滋事為首之匠役賈喜子等拏交刑部嚴審治罪。○又議准閑匠人衆易生事端嗣後工局除正匠外每鑪房不得過八人每磨房不得過六人俟現定額數有缺方准外人承充其正匠之兄弟子弟姪入廠學藝者仍歸現定額數以內亦俟缺出。

方准另帶子弟入廠。並令該鑄匠出具甘結。註冊存案。○又

論錢局匠役。係微末小人。貪得無厭。是其常態。全在該侍郎等平日督率監督申明約束。此次工局增復料錢。本係賞給鑄頭之項。該匠役等妄生覬覦。即屬不安本分。自當立予責處。枷示俾知懲創。佛柱等率領司員齋旨發交閱看。辦理已失之輕弱。及該匠役等仍不遵奉。將該司員監督等留於局內。關閉局門。求索不已。其時並欲該侍郎到局。設佛柱等進局。亦被遞留。更復成何事體。該匠役等似此貪昧肆妄。佛柱

等並不據實奏交刑部治罪。輒將增復料錢蒙混奏請酌成分給。調停了事。朕屢次召見。詢問工局情形。佛柱等均奏稱極為安靜。希圖掩飾。實屬因循疲玩已極。似此庸碌具臣。斷難姑容。佛柱吳烜著照部議即行革職。以為滿漢侍郎不實心任事者戒。○道光三十年議准。卯錢一次不如式。由錢法衙門先將大使記過。二次移咨工部記過。三次移咨吏部停升。俟一年卯錢均能如式。仍由錢法衙門咨明吏部開復。如至四次仍不如式。即撤回停升。一年以後。各項優差。皆停其保送。如三年任

滿卯錢均能如式。由該衙門出考保送。帶領引見。請

旨予以升途。或尚須留任。即令先換頂戴。俾生感念。
○又議准。匠役平時責成大使。查察每月朔望。令滿漢監督各赴各廠點驗。鑪磨兩局各匠役並覈對照。票腰牌年貌。牌票模糊隨時更換。年貌不符。嚴究頂替。事竣親赴各作房查明。如有容留額外閒匠。即時責逐。並將該管正匠鑪頭責革。該殿大使揭參。次日將卯冊封送堂官。並呈明有無容留閒匠。○又議准。各廠開門俱有

定期辰開午閑亦有定時。每月派筆帖式一員
抽查。如啟閉不時。即行稟明。將大使分別記過。
撤回。儻有家人得錢私行啟閉情事。即行拏究。
並將該大使照縱容家丁例議處。派出之筆帖
式。不據實稟報。查出奏參。○又議准。各匠良莠
不齊。出外買物。難保不滋生事端。行文提督衙
門。責成地面弁兵。遇有與人爭鬧。立即拏究。何
廠匠役。即知照該廠斥革。永遠不准復充。儻該
大使徇隱。仍令在作。照徇庇蠹役例議處。○又
議准。各匠中不安本分者。鑪頭稟明。大使究辦。

向令各廠鑪頭二人分班。在作房直宿。即責成
本廠大使查察。如有託故不到。立即傳喚責懲。
大使相率容隱。查出揭參。立將某廠某鑪頭某
日直宿。報明監督。○又議准。工局向來支領工
銀料錢。除將奏借應扣數目扣除外。俱係分作
四季監督平兌。眼同大使發給匠頭。按名散給
匠役。嗣後並由該堂官親往抽平。督率散放。如
有短平短串等事。無論為數多寡。即將剋扣之
人訊明。送交刑部治罪。○咸豐二年

諭工部錢法堂奏鑪匠不遵調度。請將派頭人等交部

審辦等語。寶源局老鑪匠役。於奏定減卯章程。擅不遵依。並聲稱欲撤勦鑪。情殊藐法。上年查出該局鑄有小錢。經該堂官奏明。僅止飭令回鑪重鑄。未加深究。本年又請將該匠等借支款項停扣五年。朕皆俯如所請。屢加體恤。乃該匠役等不知感激。膽敢恃衆把持。玩視功令。實出情理之外。非徹底查辦。不足以儆愚頑。所有派頭韓德俊。閻永年。鑪頭王俊侯。儼均。著交刑部嚴行審訊。將首先不遵調度之老鑪匠役。究出奏明。即著步軍統領衙門。按名查拏。送部懲辦。該堂屬各官應得處分。刑部於定案時聲明。請旨。○

九年奏准。工局新舊監督更替。向無交代。嗣後更替時。舊任監督造具四柱清冊。移交新任。再兩局收發。向有循環簿。錢法堂一本。監督一本。科房一本。現已廢弛。仍飭復舊。以備稽覈。○又奏准。各作匠役。不准擅行上堂。如實有呈訴事件。先行稟報大使。由大使報監督。監督訊明回堂辦理。某鑪頭名下之匠役。即責成某鑪頭帶同稟報。不得糾衆籲請。緣事革退之鑪頭。不得援引子弟接辦。必須另募殷實之家承充。以符

舊章。○同治二年

論

工部錢法堂奏寶源局續辦黝土。請將滿漢監督獎勵等語。此次寶源局續辦黝土。煎鍊廢銅二十餘萬斤。該監督等招商督辦。雖屬著有微勞。究係分內應辦之事。且據援引上屆成案。亦僅止於加銜。何以不行照辦。幸請優獎。豈以區區者尚未足鑒。該局員等干進之心耶。文興係京察未經記名人員。乃幸請記名以道府用。殊屬非是。且與新章不符。劉名馨係刑部員外郎。向來由郎中截取者。僅以知府簡用。所請俟補郎中後。作為二年期滿。截取以道府用。尤與定例相悖。所奏著不准行。工部兼管錢法堂事務署右

侍郎阜保。右侍郎吳存義均著傳旨申飭。

出錢。○順治初年定寶源局鼓鑄制錢。按卯報部運赴節慎庫驗收。以備給發各工之用。○雍正元年議准。戶部給發兵餉。每月約放銀三十四五萬兩不等。銀八錢二搭放。每次約需錢七萬串。每年兩月搭放一次。共需錢四十二萬串有奇。除寶泉局歲鑄交庫錢四十萬五千一百六十八串。儘數搭放。尚少制錢一萬五千餘串。應將寶源局給發工匠餘賸制錢。每年咨取二萬串。增放兵餉。戶部二八月對搭制錢放餉之

例改為每兩月銀八錢二搭放一次。○又奏准。
部存額定銅鈔由寶源局如數鑄錢可得二十
一萬一千九百餘串除留給匠役工價一萬一
百九十九串餘錢二十萬串移送戶部為每年春
秋二季給發兵餉之用。○四年議准本部每年
留錢萬餘串實不敷用嗣後每年二八月止交
戶部二萬串配給兵餉其餘仍留工部支用。○
五年議准寶源局歲鑄錢二十餘萬串計支工
價每年存留十萬串以備各工取用若本年有
餘賸之錢留足次年十萬串之數其餘全交戶

部搭放兵餉。儻遇大工需錢至十萬串不能足用者。別行奏請。○十二年議准。從前鼓鑄制錢重一錢四分。寶泉局每卯用銅鉛十有二萬斤。得錢一萬二十四百八十串。寶源局每卯用銅鉛六萬斤。得錢六千二百四十串。今制錢改鑄一錢二分。每卯兩局共節省銅鉛二萬五千七百十四斤有奇。其煤罐等物價值。自應一例裁減。寶泉局歲減物料錢六千五十一串五百五十九文。按卯解戶部搭放兵餉。寶源局歲減物料錢二千七百三十串五百六十三文。解交節

慎庫支用。○乾隆三年議准。錢價昂貴。照米廠
例設立官錢局。將節慎庫餘錢八萬串。於

京師內外設局十處。委官分任。其錢局房屋及局
內需用天平法馬等物。由部咨取。○十年議准。
京師錢價昂貴。撥運官局錢不敷接濟。應將寶泉
寶源二局。於本年額鑄六十一卯之外。各帶鑄
五卯。加鑄二十二卯。並工部現在餘錢二十八
萬五千四百餘串。共可得錢七十三萬八千六
百三十串。增給錢局。發市易銀。令管官局官員
照數交納戶部。○十九年奏准。寶源局額鑄卯

錢。每年除給發各工工價及戶部搭放兵餉外。
約餘錢六七萬串不等。現存庫錢三十七萬串
有奇。加以每年新收額鑄。積儲日多。與其久存
庫中。不若隨時支放。庶免壅滯。戶部搭放兵餉。
每月二成。約需錢七萬餘串。戶部用至五萬餘
串。工部僅用二萬串。為數過少。嗣後工部制錢
搭放兵餉。以三萬串為率。再現在興修。

先農壇

皇城牆等工。一應匠夫工價。皆赴戶部領銀。給匠
換錢使用。不若將工部餘錢。令承辦官按時償

陸續赴部支領應用。其戶部工價銀。毋庸支給。
○二十六年奏准。搭放兵餉錢文。令寶源局鑄
頭。運赴節慎庫自行放給。○三十四年奏准。節
慎庫所存錢文。日久日增。與其久儲庫中。徒致
貲朽。不若交與工程處以作工價之用。其所發
錢文。照依各工應領工價銀兩。採訪五城時價
市平數給。所出庫平平餘錢文。作為飯食繩串
之需外。再有餘賸。儘數交庫充公。○三十八年
奏准。寶源局各鑄物料銀兩。照九折改給錢文。
嗣後每年改給錢三萬六百九十三串六百文。

○五十一年奏准。戶工兩局物料錢文。仍按舊例。每銀一兩合制錢一串支放。○五十九年奏准。八旗兵餉以及工程等項。應用錢文。概行按數易銀支發。其戶工二局匠役料錢。仍舊放給錢文。○嘉慶四年奏准。戶工二局所鑄錢文。前因錢價平減。將搭放兵餉等項錢文。酌議停止。今錢價日昂。兩局現積存錢九十二萬餘串。除各項應用外。尚餘錢四十萬九千餘串。所有八旗兵餉。即按照銀一兩折制錢一串。酌成搭放。○又奏准。搭放八旗兵餉錢文。向係在庫放給。

今酌由局支放。既免轉運之煩。亦省車腳之費。
嗣後八旗兵餉。搭放五成錢文。改於戶工二局
支放。○九年奏准。兵餉錢文。現經戶部奏准。仍
以二成搭放。照舊例運交部庫。毋庸由局支放。
戶工二局事同一律。自應畫一辦理。嗣後工局
卯錢亦儘解部庫支放。○十六年

論寶源局歷年久遠。房屋多有坍塌。該鑪頭等所領例
債。於辦理鼓鑄外。不能及時補葺。懇恩借款興修。著
照所請。加恩賞借一年物料錢三萬三千五十四吊
文。令該鑪頭等承領。將各鑪房磨房修理完整。所借

之款。即在鑪頭等每年應領料錢內分作十年坐扣。其每年借給每鑪八小卯物料錢文暫行停止。○十

九年

論。普恭等奏。鑪頭懇借八小卯物料錢文以資鼓鑄一揭。現在普借錢文業經全數扣還。該鑪頭等因購備物料價值增昂。辦公不無拮据。加恩著照所請。寶源局三十一鑪。准其每鑪豫借八小卯物料錢一百五十一串零。共錢四千六百八十五串零。於次年按季扣還歸款。○二十年

論。普恭等奏。恩賞借物料錢文一揭。工部寶源局鑪

頭等應領工銀尚有扣還借款不敷辦公加恩著照
所請賞借該鑪頭等半年物料錢文一萬六千五百
二十七千文作五年在於應領物料錢內扣還所借
錢文即在該局十月分卯錢內扣留給發其十一月
分應放兵餉不敷錢文著於戶部庫貯內照數添支

○二十一年奏准寶源局額給鑪頭料價仍照
舊例每卯增錢七十三串八百文按月在鑄出
卯錢內裏給○又議准寶源局借支物料錢工銀
向係將次扣完再行找借嗣於嘉慶十四年奏
借一年半工銀尚未扣清十六年又奏借一年

料錢。至十八年又找借二年工銀。分限二十年扣還。二十年又借半年料錢。分作五年扣還。是前次未清。後次復借。所借之期愈近。所扣之數愈多。轉不足以資辦公。且帶扣清楚。亦稽時日。嗣後儻有絲毫未清。不准再行請借。以重帑項。

○二十二年奏准。寶源局鑪頭借支物料錢一萬二千三百九十五串。原限五年坐扣。所得領項較少。未免拮据。嗣後展限按年帶扣。以示體恤。○又奏准。借鑪頭增復料錢十五年。其錢即在六七八三箇月搭放二成兵餉內。每月少搭

一成。應解節慎庫卯錢。每月扣留二萬五千八百三十串。其餘八千二百九十九串六百二十文。仍解節慎庫備放兵餉。其不敷錢文。請由戶部覈明減放。○道光三年

諭工部寶源局鼓鑄錢文。備辦物料。因價值較昔增昂。該鑪頭等節年賠摲。辦公不無支絀。據敬徵等奏。懇賞借增復料錢。俾資調劑。著准其將增復料錢一項。借給十五年。共錢七萬七千四百九十一串。分作二十年。即在增復料錢內坐扣。其嘉慶二十二年展限分扣未完之正項料錢。七千八百八十七串零。並著於

此次借作增復料錢內全數扣留歸款至搭放兵餉扣留卯錢各事宜均著照所請辦理。○十二年奏准寶源局勤鑄明年四月停鑄一年限滿庫存及各運銅斤未能接濟每月搭放兵餉提取該局錢三萬串自明年四月起九月止每月少提六千串適抵勤鑄半年鼓鑄數目俟銅斤充裕仍復舊額。○十三年奏准節慎庫存錢足敷搭放兵餉其應發各項即在本年冬季正鑄內加鑄五卯共得錢二萬八千串有奇合之庫存四千餘串亦足支用勤鑄自本年四月為始即停鑄

一年。○十九年奏准。現因物價未平。鑪匠拮据。
請借一年工銀四萬八千七百六十二兩。前借
未還銀一萬九千四百五十七兩八錢零。即由
此內扣除。並將前借未還增復料錢二萬九千
三百四兩。分作二十年扣還。○咸豐三年奏准。
寶泉局鑪頭匠役。每月工食銀。自本年正月為
始。以七成現銀支放。其餘三成。每兩覈京錢四
串搭放。即於該局卯錢內扣存給發。行文工局。
一律照辦。○又奏准。從前工局月鑄制錢三萬
四千餘串。戶部提取三萬串。工部留支四千餘

串減卯案內工局月鑄制錢二萬二千餘串。戶部僅提取一萬八千串。現在復卯鼓鑄。戶部仍照向例提取三萬串。大錢制錢兩項搭放。○四年奏准。自正月為始。鑪頭匠役工食銀兩。以七成現銀支放。其餘三成。每兩折給各項京錢四千文。○又議准。寶源局自三月起。月鑄當千大錢一卯半。計九串三百七十三文五釐。當五百大錢一卯半。計十八串七百四十七文。當百大錢二卯。計一百二十四串九百八十四文。當五大錢二卯半。計三百十二串四百六十二文。

五釐當十大錢三卯半。計二千一百八十七串。
二百四十四文五釐當五大錢四卯。計四千九
百九十九串四百十六文。除物料車腳工食等
項外。戶部提錢八萬串。內當十大錢八串。抵制
錢八千串。當五百大錢十六串。抵制錢八千串。
當百大錢一百六串。抵制錢一萬六百串。當五
十大錢二百六十八串。抵制錢一萬三千四百
串。當十大錢一千八百四十串。抵制錢一萬八
千四百串。當五大錢四千三百二十串。抵制錢
二萬一千六百串。共抵制錢八萬串。○又奏准。

寶源局加卯鼓鑄各項大錢。月得抵制錢九萬三千一百餘串。除戶部月提餉錢八萬串。本局扣發工料三千餘串。匠役工食銀兩。以三成折錢向解節慎庫三千餘串外。其餘三千餘串。俱係尾零錢。暫留辦公。一俟銅批飯銀解到。仍照數歸款。○又議准。七月八旗兵餉需用。工局卯錢。除當千當五百停鑄外。其餘各項錢六萬四千串。照舊放給。○又議准。每京錢一串。用當百二文。當五十四文。再配制錢二成。其餘四成。以當五當十配搭。○又奏准。當百當五十大錢。日

漸壅滯。是以戶部奏提寶源局上年十一二月
本年正月錢文。將兩項全數寄庫。僅用當十以
下三項分放兵餉。其餘工匠役人應放各款。一
體酌量減放。○七年奏准。當五大錢。日形壅滯。
暫行停鑄。統鑄當十錢十六卯。所有庫存當五
錢文。即由准放火工等項應發當十八成之內。
酌配當五大錢一成。至應發二成制錢。現在寶
源局試鑄錢錢。係不入正卯之款。○八年
諭前因京師物價昂貴。八旗兵丁生計維艱。降旨於兵
餉錢制錢二成外。加放一成。至五月以後。暫停搭放。

現在節屬冬令。物價未平。恐八旗兵丁。未免尚形拮据。據惠親王等查明鐵錢局鼓鑄錢文。新陳相接。尚堪敷用。著加恩自十月起至十二月止。每月仍加放鐵制錢一成。以示體恤。○又奏准。寶源局公款。向由銅批飯銀內支用。嗣因坐糧廳庫款支絀。銅批未能收到。前經奏明。由解交節慎庫銅尾錢內。每月借留二千串。惟本年糧食物價。較上年貴幾加倍。各鑪苦累異常。即於所解節慎庫鐵制錢尾錢內。扣錢八百串。於當十錢內。抵還八百串。所有工食等項。按照八成當十大錢二成鐵

制錢搭放。庶均害實惠。而於每月解交尾錢數目。仍屬相符。○同治五年奏准。寶源局額設餘丁。巡察難周。嗣後由步軍統領衙門。每夜各派步軍校一名。帶技勇兵十名。在新老兩局。前後幫同巡邏。每月每名津貼口分錢十二串。由本局卯錢內發給。○光緒十三年奏准。制錢尚未規復。戶工二部放款。仍用庫存當十錢兩局鑄出制錢。全數儲庫。以備規復制錢時提用。